

1 января, мч. Вонифатия Тарсийскаго

1 января, мч. Вонифатия Тарсийскаго

ВЕЧЕРНЯ

По окончании 9-го часа священник произносит начальный возглас:

Благословен Бог наш всегда, ныне и присно, и во веки веков.

Чтец: Аминь. Приидите, поклонимся Цареву нашему Богу.

Приидите, поклонимся и припадём Христу Цареву нашему Богу.

Приидите, поклонимся и припадём Самому Христу, Цареву и Богу нашему.

Псалом 103

Благослови, душе моя, Господа. Господи, Боже мой, возвеличился еси зело. Во исповедание и в велелепоту облелся еси. Одейся светом, яко ризою, простираяй небо, яко кожу. Покрываяй водами превыспренняя Своя, полагаяй облаки на восхождение Свое, ходяй на крилу ветреню. Творяй Ангелы Своя духи и слуги Своя пламень огненный. Основаяй землю на тверди ея, не преклонится в век века. Бездна, яко риза, одеяние ея, на горах станут воды, от запрещенія Твоего побегнут, от гласа грома Твоего убоятся. Восходят горы и нисходят поля в место, еже основал еси им. Предел положил еси, егже не прейдут, ниже обратятся покрыти землю. Посылаяй источники в дебрех, посреде гор пройдут воды. Напаяют вся звери сельныя, ждут онагри в жажду свою. На тых птицы небесныя привитают, от среды камня дадут глас. Напаяяй горы от превыспренних Своих, от плода дел Твоих насытится земля. Прозябаяй траву скотом, и злак на службу человеком, извести хлеб от земли. И вино веселит сердце человека, умастити лице елеем, и хлеб сердце человека укрепит. Насытятся древа польская, кедри Ливанстии, ихже еси насадил. Тамо птицы вогнездятся, еродиево жилище предводительствует ими. Горы высокия еленем, камень прибежище заяцем. Сотворил есть луну во времена, солнце позна запад свой. Положил еси тму, и бысть ночь, в нейже пройдут вси зверие дубравнии. Скимви рыкающие, восхитити и взискати от Бога пищу себе. Возсия солнце и собращася и в ложах своих лягут. Изыдет человек на дело свое и на делание свое до вечера. Яко возвеличишася дела Твоя, Господи, вся премудростию сотворил еси, исполнися земля твари Твоея. Сие море великое и пространное, тамо гади, имже несть числа, животная малая с великими, тамо корабли преплавают, змий сей, егже создал еси ругатися ему. Вся к Тебе чают, дати пищу им во благо время. Давшу Тебе им соберут, отврзшу Тебе руку всяческая исполнятся благости, отвращу же Тебе лице, возьмутся, отымеши дух их, и исчезнут, и в персть свою возвратятся. Послеши Духа Твоего, и созиждутся, и обновishi лице земли.

1 января, мч. Вонифатия Тарсийского

Буди слава Господня во веки, возвеселится Господь о делах Своих, призирая на землю, и творяя ю трястися, прикасаяся горам, и дымятся. Воспою Господеви в животе моем, пою Богу моему, дондеже есмь, да усладится Ему беседа моя, аз же возвеселюся о Господе. Да исчезнут грешницы от земли, и беззаконницы, якоже не быти им. Благослови, душе моя, Господа.

Солнце позна запад свой. Положил еси тму, и бысть ночь. Яко возвеличишася дела Твоя, Господи, вся премудростию сотворил еси.

Слава Отцу и Сыну и Святому Духу, и ныне и присно и во веки веков. Аминь. Аллилуиа, аллилуиа, аллилуиа, слава Тебе Боже *(трижды)*.

Ектения великая

Диакон: Миром Господу помолимся.

Лик: Господи, помилуй. *(на каждое прошение)*

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию со всеми святыми помянувшие, сами себе и друг друга, и весь живот наш Христу Богу предадим.

Лик: Тебе, Господи.

Священник: Яко подобает Тебе всякая слава, честь и поклонение, Отцу, и Сыну, и Святому Духу, ныне и присно, и во веки веков.

Лик: Аминь.

Стихиры на «Господи, возвах»

Канонарх: Глас 4, Господи, возвах к Тебе, услыши мя.

Лик: Господи, возвах к Тебе, услыши мя./ Услыши мя, Господи./ Господи, возвах к Тебе, услыши мя:/ вонми гласу моления моего,/ внемди возвати ми к Тебе.// Услыши мя, Господи.

Да исправится молитва моя,/ яко кадило пред Тобою,/ воздеяние рукую моею/ жертва вечерняя. // Услыши мя, Господи.

Глас 4, четверг на 3

На 6, стих: Аще беззакония назириши, Господи, Господи, кто постоит? /

Яко у Тебе очищение есть.

1 января, мч. Вонифатия Тарсийскаго

Крепча́йшим мудрова́нием во́инствовавше сла́внии,/ на
лука́ваго врага́ ополчи́стесь,/ всеору́жием огра́ждшесь
духо́вным до́блественне:/ и всю́ крѣпость бесо́вскую погуби́вше,
восхи́тивше ду́шы челове́ческия якоже коры́сти:// сего́ ра́ди во
ве́ки ва́с почита́ем, апо́столи.

Стих: Имене ра́ди Твоего́ потерпѣх Тя, Го́споди, потерпѣ душа́ моя́ в сло́во
Твое́, /

упова́ душа́ моя́ на Го́спода.

Крестообра́зно распростѣрши мре́жу ве́ры,/ двенадесе́тица Бо-
же́ственных апо́стол Твои́х,/ вся́ язы́ки улови́ла е́сть к Твоему́
позна́нию, Христѣ:/ и мо́ре сла́ное страсте́й изсуши́./ Сего́ ра́ди
Тя́ молю́, из глуби́ны прегреше́ний воззови́ мя,// те́х всеблаго-
приятными мо́льба́ми.

На 4, стих: От стра́жи у́тренняя до но́щи, от стра́жи у́тренняя, /
да упова́ет Изра́иль на Го́спода.

Двенадесе́тица Богоизбра́нная, апо́стольская и всечестна́я,/ да
восхва́лится днѣсь Боже́ственными пе́снями:/ Пе́тр, и Па́вел,
Иа́ков, Лука́, Иоа́нн же и Матфе́й,/ и Фома́, Ма́рк, Си́мон, и Фи-
ли́пп, и пресла́вный ны́не Андре́й с Матфе́ем,/ и Боже́ственным
и премудрым Варфоломе́ем,// и с прѣчими седми́десятьми.

мч. Вонифатия Тарсийскаго на 3

Глас 4: Стих: Яко у Го́спода ми́лость, и мно́гое у Него́ избавле́ние, /
и То́й изба́вит Изра́иля от все́х беззакѣ́ний его́.

Благозвѣ́нныя возжелáл еси́,/ нарече́ннаго мучени́ком,
страстоте́рпче многострада́льне, и болѣ́знь претерпѣ́л еси́/
де́рзостным ра́зумом,/ к небо́лезненному поко́ю преложи́тися

1 января, мч. Вонифатия Тарсийскаго

ожида́я/ и по́чести ища́ при́йти, всеблаже́нне, Небе́сныя,/ и райское се́ленье,// и Свет Невече́рний, и жи́знь ве́чную.

На 2, стих: Хвали́те Го́спода всѣ язы́цы, /
похва́лите Егó всѣ лю́дие.

Ногте́й терза́ния,/ и лю́тая бодѣния, и о́лова вре́ние,/ главы́ отъя́тие/ и свирѣпейши́я претерпе́л еси́ боле́зни/ и приложи́лся еси́ ли́ку страстоте́рпец, ра́дуясь, многострада́льне./ Те́мже ле́тнее твоѣ соверша́ем торже́ство,/ страда́льче Вонифа́тие,// А́нгелом собесѣдниче.

Стих: Яко утверди́ся ми́лость Егó на нас, /
и и́стина Госпо́дня пребыва́ет во ве́к.

Раба́ тя предпосла́вши,/ Божѣ́ственнаго влады́ку восприя́/ Аглаи́да, Вонифа́тие./ Страстьми́ облада́вша,/ ца́рствовавша над му́чители,/ низло́жша враги́ и победы́ венце́м оде́янна./ Те́мже храм тебе́ святы́й и прекра́сен созда́вши,// в нёмже положи́ла есть, свяще́нно восхваля́ющи тя.

Сла́ва, и ныне, глас 4: Слава Отцу́, и Сы́ну, и Свято́му Ду́ху, /
и ны́не, и прѣсно, и во ве́ки веко́в. Ами́нь.

На одре́ низлежу́ уны́ния, Всенепоро́чная,/ и ле́нотно прохо́жду жити́е,/ и ужа́саюся конца́ моего́ време́не, Богоро́дице,/ да не, якоже лев, неща́дно расто́ргнет/ смире́нную мою́ ду́шу зми́й вселука́вый./ Те́мже Твоею́ бла́гостию,/ прѣ́жде конца́ предва́ривши,// к пока́янию мя воздви́гни.

Вечерняя песнь Сыну Божию

Свете́ Тѣхий святы́я сла́вы,/ Безсме́ртнаго, Отца́ Небе́снаго,/ Свята́го Блаже́ннаго, Иису́се Христе́./ Прише́дше на за́пад со́лнца,/ ви́девше свет

1 января, мч. Вонифатия Тарсийскаго

вечерний,/ поём Отца, Сына и Святаго Духа, Бога./ Достóин еси во вся времена/
пёт б́гити гласы преподóбными,/ Сыне Бóжий, живóт дай, / тёмже мир Ты
славит.

Диакон: Вóнмем.

Священник: Мир всем.

Лик: И д́хови твоёму́.

Прокимен

В среду вечера, глас 5:

Диакон: Премудрость. Вóнмем. Прокимен, глас 5.

Бо́же, во и́мя Твое спаси́ мя, / и в си́ле Твоей суди́ ми.

Лик: Бо́же, во и́мя Твое спаси́ мя, / и в си́ле Твоей суди́ ми.

Диакон: Бо́же, услы́ши моли́тву мою́, внуши́ глаго́лы уст моих.

Лик: Бо́же, во и́мя Твое спаси́ мя, / и в си́ле Твоей суди́ ми.

Диакон: Бо́же, во и́мя Твое спаси́ мя

Лик: И в си́ле Твоей суди́ ми.

В среду вечера. Глас 5

Бо-же, во и-мя Твое спаси мя и в си-ле Тво-ей су-ди ми.

Молитва при наступлении вечера

Чтец: Сподóби, Гóсподи, в вéчер сей без грехá сохранитися нам. / Благословéн еси́, Гóсподи Бо́же отéц на́ших, / и хва́льно и просла́влено и́мя Твое́ во вéки, ами́нь. /

Бúди, Гóсподи, мило́сть Твоя́ на нас, я́коже упова́хом на Тя. / Благословéн еси́, Гóсподи, научи́ мя оправда́нием Твои́м. / Благословéн еси́, Влады́ко, вразуми́ мя оправда́нием Твои́м. / Благословéн еси́, Святы́й, просвети́ мя оправда́нии Твои́ми. /

Гóсподи, мило́сть Твоя́ во век, дел руку́ Твоею́ не прéзри. / Тебе́ подобáет хвала́. Тебе́ подобáет пéние, / Тебе́ сла́ва подобáет, Отцú и Сы́ну и Свято́му Дúху, / ны́не и прíсно и во вéки веко́в. Ами́нь.

1 января, мч. Вонифатия Тарсийскаго

Ектения просительная

Диакон: Исполним вечернюю молитву нашу Господеви.

Лик: Господи, помилуй.

Диакон: Заступи, спаси, помилуй и сохрани нас, Боже, Твоею благодатию.

Лик: Господи, помилуй.

Диакон: Вечера всего совершенна, святая, мирна и безгрешна у Господа просим.

Лик: Подай, Господи. *(на каждое прошение)*

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию со всеми святыми помянувши, сами себе и друг друга, и весь живот наш Христу Богу предадим.

Лик: Тебе, Господи.

Священник: Яко благ и человеколюбец Бог еси, и Тебе славу возсылаем, Отцу, и Сыну, и Святому Духу, ныне и присно, и во веки веков.

Лик: Аминь.

Священник: Мир всем.

Лик: И духови твоему.

Диакон: Главы наша Господеви приклоним.

Лик: Тебе, Господи.

Священник: Буди держава Царствия Твоего благословена и препрославлена, Отца, и Сына, и Святаго Духа, ныне и присно, и во веки веков.

Лик: Аминь.

Стихиры на стиховне

Глас 4, четверг на 3

Канонарх: Глас 4, Апостольский лик Духом Святым просветил еси, Христе,

Лик: Апостольский лик Духом Святым просветил еси, Христе, / и нашу скверну греховную теми омый, Боже, // и помилуй нас.

Стих: К Тебе возведох очи мой живущему на Небеси. Се яко очи раб в руку господий своих, яко очи рабыни в руку госпожи своея, тако очи наши ко Господу Богу нашему, /

1 января, мч. Вонифатия Тарсийского

дóндеже ущéдрит ны́.

Некни́жныя ученикí Дух Тво́й Святы́й казáтели яви́, Христé
Бóже,/ и многовещáнным слíчием язы́ков прéлесть упразднí, //
яко Всесíлен.

Стих: Помíлуй нас, Гóсподи, помíлуй нас, я́ко по мно́гу испóлнихомся
уничижéния: наипáче напóлнися душá нáша поношéния гобзýющих /
и уничижéния гóрдых.

Жéртвы одушевлénныя,/ всесожжéния словéсная,/ мýченицы
Госпóдни,/ заколénия совершénная Бóжия,/ Бóга знáющая, и
Бóгом знáемая овчáта,/ íхже ограда волкóм невхóдна:/ молíтеся
и нáм упасéным бýти с вáми, // на водé упокоéния.

Слава, и ныне, глас 4: Сла́ва Отцý, и Сы́ну, и Свято́му Духу, /
и ны́не, и прíсно, и во вéки векóв. Амíнь.

Избáви ны́ от нýжд нáших,/ Мáти Христá Бóга,/ рóждшая всéх
Творцá,/ да всí зовéм тí:// рáдуйся, еди́но предстáтельство душ
нáших.

Молитва святого Симеона Богоприимца

Чтец: Ны́не отпушáеши рабá Твоегó, Влады́ко, / по глагóлу Твоему́ с мíром: /
я́ко видеста óчи мой спасéние Твоé, / éже еси́ уготóвал пред лицéм всех людéй, /
свет во откровéние язы́ков, / и сла́ву людéй Твои́х Изра́иля.

Святы́й Бóже, Святы́й Крéпкий, Святы́й Безсмéртный, помíлуй нас (*три-
жды*).

Сла́ва Отцý и Сы́ну и Свято́му Духу, и ны́не и прíсно и во вéки векóв. Амíнь.
Пресвятáя Трóице, помíлуй нас; Гóсподи, очíсти грехí нáша; Влады́ко, прости́
беззакóния нáша; Святы́й, посети́ и исцели́ нéмощи нáша, íмене Твоегó рáди.
Гóсподи, помíлуй (*трижды*).

Сла́ва Отцý и Сы́ну и Свято́му Духу, и ны́не и прíсно и во вéки векóв. Амíнь.

1 января, мч. Вонифатия Тарсийского

Отче наш, Иже еси на Небесех! Да святится имя Твое, да придет Царствие Твое, да будет воля Твоя, яко на Небеси, и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Священник: Яко Твое есть Царство, и сила, и слава, Отца, и Сына, и Святаго Духа, ныне и присно, и во веки веков.

Лик: Амѣнь.

Тропари

Тропарь мч. Вонифатия Тарсийского, глас 4.

Мученик Твѡй Господи, Вонифатий, / во страданіи своемъ венѣцъ
приятъ нетлѣнный от Тебѣ Бога нашего: / имѣяй бо крѣпость
Твою, / мучителей низложи, / сокруши и демоновъ немощныя
дерзости, / того молитвами // спаси души наша.

Слава Отцу, и Сыну, и Святому Духу, и ныне, и присно, и во
веки вековъ. Амѣнь.

Богородичен по гласу от малых, глас 4:

Слово Отчее, Христа Бога нашего, / от Тебѣ воплотившагося, по-
знахом, Богородице Дѣво, / едина Чистая, / едина Благословен-
ная. // Темъ непрестанно Тя, воспевающе, величаемъ.

Сугубая ектения

Диакон: Помилуй нас, Боже, по велицей милости Твоей, молимъ Ти ся, услыши и помилуй.

Лик: Господи, помилуй (*трижды*).

Диакон: Еще молимся о Великомъ Господинѣ и Отцѣ нашемъ Святейшемъ Патриархѣ Кириллѣ, и всей во Христѣ брѣтии нашей.

Лик: Господи, помилуй (*трижды*). (*на каждое прошение*)

Священник: Яко Милостивъ и Человеколюбецъ Богъ еси, и Тебѣ славу возсылаемъ, Отцу и Сыну и Святому Духу, ныне и присно и во веки вековъ.

Лик: Амѣнь.

1 января, мч. Вонифатия Тарсийскаго

Диакон: Премудрость.

Лик: Благослові.

Священник: Сый благословѣн Христос Бог наш, всегда, ныне и присно и во веки веков.

Лик: Амѣнь. Утверди, Бже, / святую православную веру, православных христиан / во век века.

Священник: Пресвятая Богородице, спаси нас.

Лик: Честнейшую Херувим и славнейшую без сравнения Серафим, без истления Бога Слова рождшую, сущую Богородицу Тя величаем.

Священник: Слава Тебе, Христе Бже, упование наше, слава Тебе.

Лик: Слава Отцу и Сыну и Святому Духу, и ныне и присно и во веки веков. Амѣнь. Господи, помилуй (*трижды*). Благослові. (или ...Владыко, благослови)

Священник глаголет Отпуст

Христос Истинный Бог наш, молитвами Пречистой Своей Матере, предстательства честных Небесных Сил Безплотных: святых славных и всехвальных Апостол, свт. Николая, архиепископа Мир Ликийских, Чудотворца, прор. Аввакума, святых праведных Богоотцев Иоакима и Анны, и всех святых, помилует и спасет нас, яко Благ и Человеколюбец.

Многолетие

Лик: Великаго господина и отца нашего Кирилла, / Святейшаго Патриарха Московскаго и всея Руси, / богохранимую страну нашу Российскую, / настоятеля, братию и прихожан святаго храма сего, / и вся православныя христианы, // Господи, сохрани их на многая лета.